



powered by Dwayne Weaver

FREE CLASSES

RENAISSANCE.
MARKETPLACEONLY AT RENAISSANCE MARKETPLACE
Every Saturday from 9am to 10am • Everybody is welcome

Fundacion Pa Nos Comunidad y Post Aruba NV ta anuncia e prome “Community Collection Day” na nivel nacional



DIASABRA, dia 23 di Januari 2010 Fundacion pa nos Comunidad (FPNC) den cooperacion cu Post Aruba N.V. ta organisa e “Community Collection Day” mas grandi cu Aruba a yega di mira. Asina FPNC lo yena e storage di e food-, clothing- and furniture bank. FPNC ta pidi cooperacion di cada persona, cada compania y comunidad henter pa warda articulan bon y pa haci e dia aki grandi y exitoso pa e hendenan di menos recurso ariba nos isla. N’e momento aki tur hende y tur compania ta preparando pa 2010. Durante y despues cu e dianan di fiesta hopi hende y compania ta haci un gran limpieza y un inventario di locual cu nan tin. Regularmente cosnan bon ta wordo tira afo. FPNC ta premira cu esaki ta un

bon momento pa duna cuidadano y companianan un oportunidad pa entrega articulan segundaman cu ta den bon estado ainda. Pesey FPNC ta organisa un “Community Collection Day” despues di aña nobo.

E “Community Collection Day” lo tuma lugar dia 23 di Januari riba tereno di Post Aruba N.V. Durante e dia aki tur cuidadano y tur compania por trece articulan den bon estado. E actividad lo cuminsa for di 9’or di mainta y lo dura te 2’or di merdia. Cada persona of compania por pasa cu auto, pick-up of truck y entrega articulan. Aki ta enfoca riba articulan cu por sirbi otro hende. FPNC ta pidi especialmente pa meubles, pana, articulan di cas, coy

hunga y comestibles.

FPNC tambe ta desea di sera conoci cu e comunidad riba e dia aki. Pesey e dia no ta djis un actividad pa “drop-off” articulo.

Durante e dia aki tambe lo tin entertainment riba e tereno di Post Aruba N.V.. Lo tin un “food & beverage area”, Dino Jump y lo tin live-music e otro actividad. Pues tur hende por baha, goza y conoce e organisadornan for di mas cerca.

Tur hende cu ta interesa pa yuda FPNC den futuro cu nan mision die vita y combati pobreza na Aruba por registra riba e dia aki.

Durante e siguiente dianan y despues di aña nobo FPNC lo duna mas informacion den prensa. FPNC tambe lo manda

un mesahe personal pa cada cas di Aruba. Pues pueblo por keda pendiente pa mas informacion.

FPNC kier gradici tur compania y tur persona cu ta cooperando caba pa haci e dia aki realidad. FPNC ta kere cu den cada cas na Aruba mester tin algo bon cu

por wordo duna. Pesey FPNC ta pidi comunidad henter pa “Save it for the Community”! Together we can make a difference.

Esaki lo bira e di prome actividad social pa cu e aña 2010 cu Post Aruba lo participa na dje. E idea di Post Aruba no ta solamente pa laga usa e tereno, pero pa participa activamente n’e organizacion di e evento aki p’asina y di un manera mas activo por duna nan contribucion n’e fundacion aki cu tin un mision importante pa cu nos comunidad.

Cu e tipo di actividad aki Post Aruba lo kier muestra su soport n’e comunidad di Aruba.

Den caso cu hende ta interesa pa yuda FPNC riba e “Community Collection Day” como boluntario naturalmente esaki ta posibel. Por fabor tuma contacto cu FPNC, sra Claudie Wegdam, desde 4 di Januari pa medio di cel: 732-1972, of cu Post Aruba NV cu sra Jennifer Kock na 583-6750 of via e-mail: claudie@fpncaruba.com. Pa mas informacion tocante mision, vision y meta di FPNC por bishita e website: www.fpnaruba.com

